





後漢書補逸卷之七

東觀漢記第一

錢唐姚之駟

魯思

輯

馬光

馬光字叔山監越騎視事以為五校尉主禁兵武備

案光伏波第三子封許陽侯

時五校尉令在北軍營中光以為五校尉所以宿衛  
兩宮不宜在一處表請二校尉附北宮詔許越騎射  
聲治寺北宮

光為校尉帥厲吏士教習有方



光遭母喪哀痛感傷形骸骨立

竇憲誅憲奴玉當誣光與憲逆初竇氏有事玉當亡私從光乞不與恨去懷挾欲中光官捕得玉當因告言光與憲有惡謀光以被誣不能自明乃自殺光死後憲他奴郭扈自出證明光憲無惡言光子朗上書迎光喪葬舊塋詔許之

案光爲人小心周密乃受誣于憲奴小人陷害君子何所不至耶范畧

### 廉范

廉范字叔度爲蜀郡太守成都邑宇偏側舊制禁民夜作以防火而更相隱蔽燒者日日相屬范乃毀削

前令但嚴使儲水百姓爲便乃歌之曰廉叔度來何暮不禁火民安堵昔無襦今五袴

案范京兆杜陵人中興良吏與杜詩張堪第五倫儕美也

廉范奔赴敬陵時廬江郡掾嚴麟俱會于路麟乘小車塗深馬死不能自進范愍之命從騎下車與之不告而去麟事畢卽牽馬造謝而歸之

廉范爲雲中太守始到烽火日通故事鹵出度五千入乃移書旁郡求助吏白今鹵兵度出五千請移警檄范不聽遂選精兵自將出至近縣令老弱城守而追之



後漢書前漢  
案范書時鹵軍甚衆范令軍士各交縛兩炬三頭  
焚火營中星列鹵以爲救兵至遂引去此與虞朝  
歌增竈  
同意

### 梁福

司部災蝗臺名三府驅之司空掾梁福曰普天之下  
莫非王土不審使臣驅蝗何之災蝗當以德消不聞  
驅逐時號福爲真掾

案范書關後世有驅蝗移牒者覆牒云若是敝邑  
遣去還從貴縣發來惜無真掾止之耳近  
制責州邑捕蝗甚嚴稍有不力卽白簡從事易驅爲  
捕亦秉畀炎火之意且于蝻子未化時官卽勤爲  
搜鋤一待軟翅已生則州邑  
卽有怠玩之譴法甚詳矣

### 班超

班超字仲升定西域五十餘國乃封超爲定遠侯

案超扶風  
平陵人

班超孝謹家貧嘗爲官傭書以供養久勞苦嘗輟業  
投筆嘆曰大丈夫無他志畧猶當效傅介子張騫立  
功異域以取封侯安能久事筆研間乎

案定遠與伏波皆多大志勛業亦畧相仿但伏波  
執老當益壯之意遂至讖成馬革定遠望生入玉  
門關可謂知  
止不殆者

超行詣相者曰布衣諸生爾當封侯萬里之外超問  
其狀相者曰生燕領虎頭飛而食肉此萬里侯相也  
後以漢中郡南鄭之西鄉戶千封爲定遠侯



案范

建初八年稱超為將兵長史假鼓吹黃麾

班超為都護以任尙代超尙謂超曰君在外國三十

餘年而小人猥承君後宜有以誨之超曰塞外吏士

本非孝子順孫皆以罪過徙補邊而蠻夸懷鳥獸之

心雖禁易敗今君性嚴急水清無大魚察政不得下

和宜陽為簡而寬小過總大綱而已

案超誨任尙言與子產寬難之說正相反亦以地異耳後尙竟以嚴敗超言信矣宜陽為簡不成句

范作宜蕩佚簡易是

超持公羊春秋多所窺覽

案范書稱超涉獵書傳是不屑屑筆研人氣概

安息遣使獻大爵師子超遣子勇隨入塞

案超乞歸書所稱遣子勇隨獻物入塞是也

梁諷

梁諷征匈奴屯軍于邊以大漢威靈招之匈奴畏感

奔馳來降諷輒為信旛遣還營前後萬餘人相屬于

道

案諷北地弋居人為竇憲軍司馬出征有功後坐失憲意被害范見諷子謹傳信旛意如今之令箭

畧

王景



建初八年王景為廬江太守乃教民種麻桑而養蠶  
案景字仲通樂浪謁人其守廬江修芍陂教犁  
耕境內豐給不獨教蠶也景尤長于理水為千古  
治河之祖

鄭眾

時北匈奴遣使求和親上遣鄭眾使匈奴眾至北庭  
鹵欲令拜眾不為屈單于大怒圍守閉之不與水火  
眾拔刀自誓單于恐而止

案眾字仲師鄭興子眾經術  
湛深故忠義凜然出使不辱

廬江獻鼎詔召鄭眾問齊桓公之鼎在栢寢臺見何  
書春秋左氏有鼎事幾眾對狀除郎中

案眾可謂博雅矣後  
世以物疏事助此

永平中遣鄭眾使北匈奴眾因上書言臣前奉使不  
為匈奴拜單于悉恨放兵圍臣今臣叩命必陵折臣  
臣恐不忍將大漢節對氊裘拜如令匈奴遂能服臣  
將有損大漢之強上不聽眾不得已既行後果為匈  
奴所殺

案范書眾辭使事同但范稱眾在路連上書固爭  
詔切責追還繫廷尉會赦歸後復為軍司馬仕至  
大司農此言為匈奴所殺意  
引書家妄筆本書定不誤也

鄧彪

彪為太尉在位清白以廉讓率下為百僚式視事四



年以疾乞骸骨賜策罷贈錢三十萬所在以二千石俸終其身

案彪太傅禹之族人

彪與同郡宗武伯翟敬伯陳綏伯張弟伯同志好齊名南陽號曰五伯

案彪字智伯五伯事范闕

李恂

李恂餉遺無所受處新安關下拾橡實為食

案恂字叔英安定臨涇人恂為武威太守免歸非素枯寂者其清風可知矣

李恂遭父母喪六年躬自負土樹栢常在冢下

案范于恂傳不載此事一本恂作詢抑別有李詢也

馬融

馬融教養諸生常有千數善鼓瑟好吹笛居宇器服多存侈飾常坐高堂施絳紗帳前授生徒後列女樂

案融字季長扶風茂陵人融集載其居成懽里也融奢樂恣欲黨附招譏品不足道特才高學博為世通儒耳范同

范叔

范叔遷博士每有大議輒見訪問

案范書闕

丁鴻



永元六年司徒丁鴻兼衛尉

案鴻字孝公丁綝子時因日食上封事指斥竇憲遂以鴻兼衛尉屯南北宮收憲大將軍印綬此見鴻之經明行修非徒講誦問難以爲能也

肅宗詔鴻與太常樓望少府成封屯騎校尉桓郁衛

士令賈逵等集議五經同異于白虎觀

案范書又有廣平王美一人美明帝子也

上嗟歎鴻才號之曰殿中無雙丁孝公賜錢二十萬

案范書虎觀談經承制問難帝親臨決鴻以才高論難最明帝數嗟美焉無雙二語范作時人嘆美其以君上不當稱字耶

元和二年車駕東巡狩鴻以少府從上奏曰臣聞古

之帝王統治天下五載巡狩至于岱宗柴祭于天望

秩山川協時月正日同斗斛權衡使人不爭陛下尊

履蒸蒸奉承弘業祀五帝于明堂口以光武二祖四

宗咸有告祀瞻望太山嘉澤降樹柴祭之日白氣上

升與燎烟合黃鵠羣翔所謂神人以和答響之休符

也上善焉

案丁鴻翼翼乃亦爲此諛詞甚矣人之好諂也范不載

元和三年以廬江郡爲大安國徒封鴻爲馬亭侯

案馬亭鄉名

鴻薨子湛嗣卒子浮嗣浮卒子夔嗣



後漢書補遺  
案范書  
夔作夏

張奐

張奐字然明使匈奴休屠及朔方烏桓並同反叛遂  
燒度遼將軍門列屯赤地烟火相望兵衆大恐各欲  
亡去奐安坐帷中與弟子誦書自若軍士稍安

案奐敦煌酒泉人帷中誦書特以靜鎮耳非若孔  
北海爲袁譚所攻談笑自若者也安石賭墅庶幾  
近之

張奐爲安定屬國都尉羌離浦上奐馬二十匹奐名  
主簿張祁入于羌前以酒酹地曰使馬如羊不以入  
厩使金如粟不得入懷盡還不受

案馬二十匹下闕先零酋長  
又遺金鑲八枚二語范詳

班固

班固字孟堅九歲能作賦頌固數入讀書禁中每行

巡狩輒獻賦頌

案固班彪子也望蹕獻文東漢名儒如馬融上東  
巡頌崔駰上四巡頌比比皆然至唐杜甫亦獻三  
大禮賦進身今  
聖主巡幸所至鴻儒儔彥競上賦頌每駐輦清問  
下內閣及掌院學士甄別之多有從此登清華者  
駰以草莽鄙儒亦兩獻詩賦冊子一獻荒著書集  
皆荷

天恩垂問姓名收存南書房以備乙覽  
皇帝功德隆盛遠佚漢唐愧  
鱣生頌揚未及萬一耳

時人有上言班固私改作史記詔下京兆收繫固弟



趙詣闕上書具陳固不敢妄作但續父所記述漢事  
案固從此知名于顯宗命撰世祖本紀諸篇後乃復使終成前所著書也華嶠稱固之序事瞻而不穢詳而有體惜其輕仁義賤死節蓋長于文而短于識者耶

樊曄

樊曄為天水人有犯其禁者率不生出獄吏人及羞  
口畏之道不拾遺行旅至夜聚衣裝道旁日以付樊  
公涼州為之歌曰寧見乳虎穴不入冀府寺大笑期  
必死忿怒或見置嗟我樊府君安可再遭值

案曄字仲華南陽新野人范載酷吏傳

桓鸞

鸞父良龍舒侯相

案鸞桓榮曾孫范附榮傳

鸞貞亮之性著乎幼冲學覽六經莫不綜貫推財孤  
寡分賄友朋泰于待賢狹于養已常着大布襜袍糲  
食麤餐

案范畧鸞世其經術而能操行如此可酒族人為利一言之羞矣

鸞除陳留已吾長旬月間遷河內汲令

案范書鸞為令甚有名迹

梁竦

竦作悼騷賦其文曰彼仲尼之佐魯兮先嚴斷而後



弘衍雖離讒以鳴邑兮卒暴誅于兩觀殷伊周之協  
德兮暨太甲而俱寧豈齊量其幾微兮徒信已以榮  
名雖吞刀以奉命兮抉目眦于門閭吳荒萌其已殖  
兮可信顏于王廬圖往鏡來兮關口在篇君名其旣  
泯沒兮後辟亦然屈平濯德兮絜穎芬香句踐罪種  
兮越嗣不長重耳忽摧兮六卿卒強趙殞鳴瀆兮秦  
人人疆樂毅奔趙兮燕亦是喪武安賜命兮昭以不  
王蒙宗不幸兮長平顛荒范父乞身分楚項不昌何  
爾生不先後兮惟洪勛以遐邁服荔裳如朱紋兮騁  
鸞路于犇瀨歷蒼梧之崇且兮宗虞氏之俊又臨衆

瀆之神林兮東勅職于蓬碣祖聖道而垂典兮褒忠  
孝以爲珍旣匡救而不得兮必殞命而後仁惟賈傅  
其違指兮何楊生之欺員彼皇麟之高舉兮熙大清  
之悠悠臨岷川以愴恨兮指丹海以爲期

案竦字叔敬統之仲子坐兄松事徙九真濟沅湘  
感悼子胥屈原以非辜沈身乃作悼騷賦繫公石  
而沈之方之葬大夫之反騷其旨趣何如也

永和元年制詔三公大鴻臚曰夫孝莫大于尊尊親  
親其義一也追命外祖以篤親親其追封謚皇太后  
父竦爲褒親愍侯好爵顯服以慰母心

尹勤



尹勤治韓詩事薛漢身牧豕事親至孝無有交遊門生荆棘

案勤字叔梁南陽人和帝時代陳寵為司空見寵傳

賀玄

賀玄為九江太守行縣齋持乾糒

案范書闕

魯恭

魯恭字仲康為中牟令蝗蟲不入縣界河南尹遣郡掾肥親驗之坐樹下雉過止親側旁有小兒親曰何不捕之兒言雉方雛可憐親嘆曰童子有仁心三異

也

案恭扶風平陵人為令純任德化不用刑罰故有此徵三異一為蟲不犯境一為化及鳥獸一為童

子有仁心  
樊準

樊準字幼陵為別駕從事監職公正不發私書世稱

冰清

案準一作准南陽湖陽人

準為郡功曹公正

案是時和帝幸南陽準為功曹名見帝器之因拜郎中也

準為御史中丞執憲御下舉正非法官寮震慄



梁商

商少持韓詩兼讀衆書傳記天資聰敏昭達萬情舉措動作直推雅性務在誠實不爲華飾孝友著于閭闕明信結于朋友其在朝廷儼恪矜嚴威而不猛退食私館接賓待客寬和肅敬憂人之憂樂人之樂皆若在已輕財貨不爲之畜積故衣裘裁足卒歲奴婢車馬供用而已朝廷由是敬憚委任焉

案商字伯夏梁雍之子范稱其能虛已進賢李固周舉皆其所辟可謂大臣矣本書竭力揄揚其賢可知特性過慎弱以小黃門曹節等用事遣子冀不疑與交後冀遂喪厥家聲惜哉

商薨帝作誄曰孰云忠侯不聞其音背去國家都茲

公陰幽居冥冥靡爾且窮

梁商薨賜東園轎車朱壽器銀鏤黃玉匣案商病篤勅子冀等曰吾以不德享受多福生無以輔益朝廷死必耗費帑藏衣衾飯哈玉匣珠裙之屬何益朽骨百僚勞攘紛華道路祇增塵垢雖云禮制亦有權時方今邊境不寧盜賊未息豈宜重爲國損氣絕之後載至家舍卽時殯斂斂以時服皆以故衣無更裁制殯已開冢冢開卽葬祭食如前無用三牲孝子善述父志不宜違我言也

案商居亢滿之地能以愿謹自終故順帝之朝聿稱賢輔豈其教子無術乎何冀之不肖也范同



張霸

張霸字伯饒少以樊儵刪嚴氏公羊春秋猶多繁詞乃減為二十萬言更名張氏之學

案霸蜀郡成都人數歲知孝讓人號為張曾子七歲通春秋復欲進餘經父母曰汝小未能也霸曰我饒為之故字曰饒並佳話也

袁安

和帝始加元服太后詔袁安為賓賜束帛乘馬

案安字邵公汝南汝陽人時代桓虞為司徒也臥雪韻事范書不載惟見汝南先賢傳中

袁安為司徒每朝會憂念王室未嘗不流涕

案時天子幼弱外戚擅權朝廷賴安為重安之乃心王室至矣不然呂霍之變豈其免焉

祭參

鮮卑千餘騎攻肥如城殺畧吏人祭參坐沮敗下獄

案參征虜從子彤之子也從竇憲擊車師有功遷遼東太守

鄧遵

鄧遵破匈奴得七首三千枚

案范書闕

帝賜遵金剛鮮卑緄帶一具金錯五十辟把刀墨再

屈環橫刀金錯屈尺八佩刀各一

案遵豈好劍乎既得七首又賜名刃此可入刀劍錄

樊興



後漢書補逸 卷之十一 三  
帝欲封樊興置印綬于前興固讓曰臣未有先登陷陣之功而一家數人並蒙爵土令天下缺望上嘉典之讓不奪其志

案范書樊宏傳云樊氏侯者五國興豈其一耶

梁冀

梁冀拜步兵校尉上書列校之職上應天工下厭羣望實非愚臣所宜

案冀字伯車商之子也

冀僭侈作平上駟車

案冀變易輿服之制又有甲幘狹冠折上巾擁身扇狐尾單衣蓋儼然改玉改步矣

劉寬

劉寬簡畧嗜酒常坐客使蒼頭市酒大醉而還客對罵曰畜生寬遣人視奴疑必自殺

案寬字文饒弘農華陰人范市酒下有迂久二字畜生作畜產

劉寬遷南陽太守溫仁多恕吏民有過但用蒲鞭罰之示辱而已

案寬典歷三郡人皆感化彼武健嚴酷者能及此蒲鞭耶又異苑云崔景貞守昌平有惠政常懸一蒲鞭而不用則又加寬一等今制長吏酷刑與貪黷並懲凡捶楚之具皆有尺寸定式其佐貳雜職等不得擅用嚴刑蓋解網泣罪之仁深矣

劉寬性簡畧夫人試寬意而當朝會裝嚴已訖使婢



奉肉羹翻汚朝衣婢收之寬神色不異乃徐語曰羹爛汝手

案范作夫人欲試寬令恚伺當朝會云云文較明暢餘同

### 趙咨

趙咨至孝躬率子孫耕農為養盜嘗夜往劫之咨恐母驚懼乃先至門迎盜因請為設食謝曰老母八十疾病須養居貧乞置衣糧妻子餘物無所惜諸盜皆慚嘆跪曰所犯無狀干暴賢者言畢奔走

案咨字文楚東郡燕人仕終東海相范同

### 姜詩

姜詩性至孝母常飲江水兒取水溺死恐母知許曰行學俄而涌泉出舍側日生鯉一雙

案詩廣漢人妻龐亦篤孝詐兒行學范作龐事其刑于之化即

賊經姜詩里不敢驚孝子致米肉詩埋之後吏譴詩詩掘示之

案詩于永平中舉孝廉觀埋米肉一節真不愧此二字

### 杜恢

安定太守杜恢與司馬鈞等并威擊羗恢乘勝深入至北地靈州丁奚城為鹵所害鈞擁兵不救收下獄

案此見范安帝記



朱遂

中山相朱遂到官不出奉祠北嶽詔曰災暴緣類符  
驗不虛政失厥中狼災為應至乃殘食孩幼朝廷愍  
悼思維咎徵博訪其故山嶽尊靈國所望秩而遂比  
不奉祠怠慢廢典不務懇惻淫刑放濫害加孕婦毒  
流未生感和致災其詳思改救追復所失不有尊憲  
舉正以聞

案狼災事詳見後謝書時李固引京房易傳以為  
君將無道害將及人去之深山全身厥災狼食人  
也即此

何敞

何修生成為漢膠東相成生果為太中大夫果生比

干為丹陽都尉比干生壽蜀郡太守壽生顯京輔都

尉顯生鄆光祿大夫鄆生寵濟南都尉寵生敞

案敞字文高扶風平陵人范載敞疏言臣累  
祖蒙恩至臣八世蓋自修至敞凡八葉云

敞為汝南太守百姓化其恩禮高譚等百八十五人

推財相讓

案范書敞疾文俗吏以苛刻求名譽故  
在職以寬和為政而百姓化之如此

桓璜

璜到吳郡揚州刺史劉繇賑給穀食衣服所乏者悉  
不受後東過會稽往止山陰縣故魯相鍾離意舍太



後漢書前漢 卷之十一  
守王朗餉給糧食布帛牛羊一無所留臨去之際屋  
中尺寸之物悉疏付主人纖微不漏移居揚州從事  
屈豫室中中庭橘樹一株遇實熟乃以竹籬樹四面  
風吹落兩實以繩繫着樹枝每當危亡之急其志彌  
固賓客從者皆肅其行也

案嚴范書作曄字文林一名嚴謝承書作嚴榮五  
世孫也貞伎之操凜若嚴霜一餐之細不受于人  
後以貧瘁浮海客交阯竟死于合浦獄惜哉到吳郡諸事范書俱闕

樊宏

宏爲人謙慎常戒其子曰富貴盈溢未有能終者天  
道惡滿而好謙前世貴戚皆明戒也保身全已豈不

樂哉

案宏字靡卿  
樊重子也

馮石

馮魴孫石襲母公主封獲嘉侯爲侍中遷衛尉能取  
悅當世爲安帝所寵帝嘗幸其府留飲十許日賜駃  
犀具劔佩刀紫艾綬玉玦各一

案范  
書同

孔奮

孔奮字君魚爲姑臧長時天下亂河西獨安姑臧長  
居數月輒致資產奮在姑臧四年財物不增惟老母



妻子但菜食或謂奮曰置脂膏中亦不能自潤

案奮扶風茂陵人一本作奮惟老母極膳妻子但食葱菜是范亦相同

孔奮篤骨肉弟奇在雒陽為諸生分俸祿以供給其糧用四時送衣下至脂燭每有所食甘美輒分減以遺奇

案奮兄弟若此則老母之極膳可知矣范畧

徐防

防上疏曰試論語本文章句但通度勿以射策冀令學者務本有所一心專精師門思核經意事得其實道得其真于此弘廣經術尊重聖業有益于化雖從

來久六經衰微學問淺淺誠宜反本改矯其失

案防字謁卿沛國鉅人夫論語為學聖之門徒以策試互相是非大非務本之學防此奏深得孔子先行後言之意其為儒宗當在賈鄭之上范不載此疏何也

安帝元年郡國被水災比州湮沒死者以千數災異數降西羌反叛殺畧人吏京師淫雨蝨賊傷稼穡防比上書自陳過咎遂策免

案范書三公以災異策免始自徐防夫燮理陰陽固屬公孤之責而東漢事歸臺閣不任以政則責有所在矣加以策讓不亦寬乎宜乎仲長統之昌言之也

張敏

敏以行大射禮陪位頓什策曰今君所苦未瘳有司



奏君年體衰羸郊廟禮儀仍有曠廢鼎足之任不可  
以缺重以職事留君其上司空印綬

案敏字伯達河間鄭人漢制  
優待老臣若此策文范不載

### 楊震

楊震性公廉不受私謁子孫常蔬食步行故舊長者  
或欲令爲開產業震不肯曰使後世稱爲清白吏子  
孫以此遺之不亦厚乎

案震字伯起弘農華陰人亦稱關西孔子華書云  
楊氏與袁氏累世宰相爲漢名族然袁氏奢僭不  
及楊氏蓋真清白吏子孫  
也嗚呼伯起之所遺厚矣

震爲太尉性忠誠每陳諫諍中常侍樊豐等譖之收

印綬歸本郡震到洛陽都亭謂門生日吾蒙恩居上  
司奸臣狡猾而不能誅寵嬖傾亂而不能禁何面目  
以見日月遂飲酖而死

案綱目譏震事庸主不能見幾而作宜其有  
殺身之禍也洛陽都亭范作城西夕陽亭

### 桓典

桓典爲御史是時宦者執政典無所迴避常乘驄馬  
京師畏憚爲之語曰行行且止避驄馬御史

案典字公雅桓焉之孫後與何進  
謀誅宦官功雖不遂忠義著矣

### 楊秉

楊秉諫桓帝曰王者至尊出入則警蹕而行



案秉字叔節震中子也時帝私幸梁脩舍故秉疏諫焉

陳蕃

陳蕃為光祿勳上疏切諫云鄙諺曰盜不過五女門以女能貧家也今後宮之女數千食肉衣綺豈不貧乎

案蕃字仲舉汝南平輿人蕃諸疏俱載范傳此因封賞踰制內寵猥盛故疏及之張南軒以為讀蕃疏之詞未嘗不三復嘆息其詞達其義正足以見其忠義之氣乃卒為宦者所害悲哉

陽球

陽球字方正為司隸校尉詣闕謝恩表言常侍王甫罪過奔車收送詔獄自臨考之父子皆死于杖下乃

磔甫尸署曰賊臣王甫于是權門惶怖莫不雀目鼠步京師肅然曹節見甫尸乃收淚入言球罪帝徒為衛尉球叩頭曰願假臣一月必令豺狼鴟梟悉伏其辜

案球漁陽泉州人球雖酷吏然其誅劬宦官使刑餘巷職縮志屏氣真為人所不能為者此條當係節畧本書觀范書足見此段裁剪之妙

籍建

中常侍籍建追封為汝陰東鄉侯

案宦者而追封不知何功伐至此宜其有回天獨坐之談也

毛義



後漢書補遺 卷之七  
廬江毛義少時家貧以孝行稱南陽張奉慕其義往  
候之坐定而府檄適至以義守令義奉檄而入喜動  
顏色

案義廬江人事見范孝子傳序喜以為親賢者固不可測而奉之觀人于微何其明也

孫程

中黃門孫程謀誅江京詐謂馬國曰天子與我棗脯  
使早成之乃與國等共立順帝

案程字稚卿涿郡人廢置出常侍之手千古第一變事

程北新城人衛康叔之曾孫林父之後

案關豎何物乃作史者敘其世系曲為援飾范書刪之是也章懷云東觀自孫程以下十九人與程

同功者皆詳其所承本系是當時史官畏程等威權故若此吁可慨也夫

苗光

孫程賦棗脯分與光曰以為信今暮其當著矣漏盡

光為尚席直事通燈解劔置外持燈入章臺門程等

適入光走出門欲取劔王康呼還光不應光得劔欲

還入門已閉光便守宜秋門會李閏來出光因與俱

迎濟陰王幸南宮雲臺詔書錄功臣令康疏名康詐

疏光入章臺門光謂康曰緩急有問者當相證也詔

書封光東阿侯食邑四千戶未受符策光心不自安

詣黃門令自告有司奏康光欺詐主上詔書勿問遂



封東阿侯邑千戶

案光乃十九侯之末孫程等既貪天為功而光又竊功之甚者本書故詳載之范刪

男世守校字

後漢書補逸卷之八

東觀漢記第一

錢唐姚之駟 魯思 輯

朱醜

朱醜梁國寧陵人

案范祚都夸傳醜以未平中任益州刺史在州數宣示漢德威懷遠夸白狼檠木唐鼓等百餘國舉種奉貢并獻夸歌醜范作輔

郭伋

郭伋為并州牧知盧芳夙賊難卒以力制常嚴烽候明購賞



後漢書前漢 卷之八  
案伋字細侯別見華書司馬書時  
盧芳自稱天子于九原也范同

應劭

應劭字仲遠汝南南頓人父奉司隸校尉劭少便篤  
學博覽多聞

案劭所著有漢官禮儀風俗通等百三十六篇又  
有集解漢書傳于世則集解自劭昉也劭字惟范  
書同詳  
見謝書

張豐

涿郡太守張豐舉兵反初豐好方術有道士言豐當  
為天子以五綵囊盛石繫豐肘云有玉璽豐信之遂  
反既敗當斬猶言肘有玉璽

案豐事見  
范祭遵傳

黃琬

黃琬字子珍江夏安陸人琬少失父曾祖香祖瓊並  
有高名

案琬早辨慧七歲對日食狀其事也夫日為月魄  
所揜故非朔不食其時刻分抄皆可按步推求考  
地志魏郡距洛陽纔七百里則所食多少當不及  
一分范書稱京師不見而瓊守魏郡乃以琬言日  
食之餘如月之初對詔則虧蝕甚矣何相懸若是  
蓋當時曆法未精故踈漏者多耳范附瓊傳

陳球

陳球遷繁陽令清高不動

案球字伯真下邳淮浦人後與  
司徒劉命謀誅宦官反為所害



後漢書前送 卷之八 楊賜

楊賜以病罷居無何拜太常詔賜御府衣一襲自所服冠幘綬玉壺革帶金錯鈎佩

案賜字伯獻楊秉子弘農固世篤忠貞而帝之待師傅其恩禮亦備至矣如所言不聽何

周璵

周璵豫州刺史慎之子也

案璵漢陽人范見董卓傳璵為吏部尚書諫卓徙都長安卓殺之英雄記作周誌字仲遠武威人魏志亦作誌

蔡倫

黃門蔡倫字敬仲典作上方造意用樹皮及敝布魚

紙網作紙奏上帝善其能自是莫不用天下咸稱蔡侯

案倫桂陽人倫故宦寺之賢者蔡侯紙衣被天下可云文苑功臣後乃監興校讎不又為儒者羞乎相州記云耒陽縣北有漢黃門蔡倫宅宅西有一石曰云是倫春紙白

蔡邕

蔡邕徙朔方上書求還續成十志

案邕字伯喈陳留圉人亦稱中郎邕集載所上書云漢書十志下盡王莽而止光武以來惟記紀傳無續志者臣欲制刪定者一所當接續者四前志所無臣欲著者五分別首目并書章左謹封上律曆志第一禮志第二樂志第三郊祀志第四天文志第五車服志第六則是求還時志並未成與此正合范書直云奏其所著十志誤矣



宋楊

宋楊永寧元年遣大鴻臚持節至墓追封當陽侯

案范書闕

樊楚

樊楚每當直事常晨駐車待漏

案此疑卽樊楚字文高者前已誤作桓文高此再誤也諸籍抄撮訛謬至此

趙溫

趙溫爲京兆丞嘆曰大丈夫當雄飛何能雌伏

案范書溫字子柔趙典兄子與兄謙相繼爲三公

茨克

克字子河宛人也初舉孝廉之京師同侶馬死克到

前亭輒舍車持馬還相迎鄉里號之曰一馬兩車茨

子河

案范書克代衛颯守桂陽故附颯傳後不詳載

元和中荊州刺史上言臣行部入長沙界觀者皆徒

跣臣問御左曰人無履亦苦之否御左對曰十二月

盛寒時並多剖裂血出燃火燎之春溫或膿潰建武

中桂陽太守茨克教人種桑蠶人得其利至今江南

頗知桑蠶織履皆克之化也

案民不知織故教之蠶若克者可謂民之父母矣



鮑宣妻

鮑宣之妻桓氏女也字少君宣嘗就少君父學父竒其清苦以女妻之裝送甚盛宣不悅謂妻曰少君生富驕不敢當禮妻曰大人以先生修德守約故使賤妾侍執巾櫛既奉君子惟命是從妻乃悉歸侍御服飾更着短布裳與宣共挽鹿車歸鄉里拜姑禮畢提瓮出汲修行婦道鄉邦稱之

案宣于哀帝時為司隸宣子未亦子  
昱皆有功業文章其少君之教深耶

呂母

海曲有呂母其子為縣吏犯小罪縣宰殺之呂母家

素富豐貲產乃益釀醇酒少年來沽者賞之視其乏者輒假衣裝少年欲相與償之呂母垂泣曰縣宰枉殺吾子欲報怨耳諸君寧肯哀之乎少年許諾遂相聚得數百人因與呂母入海自稱將軍遂破海曲執縣宰斬之以其首祭子家

案范書載劉盆子傳  
赤眉之所由起也

梁冀妻

大將軍夫人躬先率禮淑慎其身超號為開封君即大將軍梁冀妻也

案啼粧折步之人而以為淑慎徒汚誥命耳  
凡誥勅率多溢美之詞要在當之者猛省也



丁明冊免

丁明代傳喜為大司馬亦任職頗害賢寵及丞相王嘉死明甚憐之上寢重賢欲極其位而恨明如此遂冊免明上印綬還第

案此見前書當是本書引用耳

祠蕭曹墓詔

高祖功臣蕭曹為首有傳世不絕之誼曹相國後容城侯無嗣朕甚愍焉望長陵東門見二臣之墓生既有節終不遠身誼臣受寵古今所同遣使者以中牢禱大鴻臚悉求近親宜為嗣者須景風紹封以彰厥

功

案此和帝三年事時祠高廟因念及勲臣也五經通義曰景風至則封有功

得葬首

三輔豪傑入長安攻未央宮庚戌殺葬于漸臺東海公賓就其首傳詣宛封滑侯

案范書注時城中少年朱弟張魚等攻葬于漸臺商人杜吳殺葬校尉公賓就斬葬首將軍申屠建等傳葬首詣宛

鳧茨為食

王莽末南方枯旱民多饑饉掘鳧茨而食

斤金斗粟



後漢書禮志 卷之八 六  
時天下大旱連年穀不成建武元年耕作者少民饑  
僅黃金一斤易米一斗盜賊人民相食

案范書王莽末天下連歲災蝗蓋禍亂之作天之所以開聖人也

### 赤眉

赤眉入安定北地至陽城士卒多凍死

### 祭六宗

孝成時匡衡奏立北郊復祠六宗至建武都雒陽制  
郊祀六宗廢不血食大臣上疏謂宜復舊上從公議  
由是遂祭六宗

案安帝元初六年司空李郃侍祠南郊不見六宗祠乃奏立之即此也郃主尚書歐陽家說謂六宗

者在天地四方之中為上下四方之宗遂立祠于雒陽西北戌亥之地但六宗之說千古聚訟竟無全通亦難偏執劉昭辨之詳矣

### 好彈

詔曰三輔皆好彈一大老從旁舉身曰噫唏哉

案此詔語殊不可解范不載

### 幸章陵

建武十年幸章陵修園廟舊宅田里舍

### 觀百戲

帝遺單于饗賜作樂百戲上幸離宮臨觀

### 武冠

後漢書禮志

卷之八 東觀記

七

武冠俗謂之大冠

案范作武冠一曰武弁大冠諸武官冠之

三獨坐

上特詔御史中丞與司隸校尉尚書令會同並專席而坐故京兆號曰三獨坐

案此見范書宣秉傳建武元年拜秉御史中丞特詔寵之遂為故事兆范作師是

囊封

制上書以青布囊素封書

案漢官儀曰凡章表皆啓封其言密事則皂囊也與此不同

南北單于

十二月癸丑匈奴始分為南北單于

此建武二十四年十二月也南匈奴醯落尸逐鞮單于比本不當立衆大人議立之向化獨深其左賢蒲奴之立則為北單于故范書列傳以南匈奴冠之

單于比

單于比匈奴頭曼十八代孫

案章懷云頭曼即冒頓單于父自頭曼單于至比父子相承十代以單于相傳則十八代也

鳳凰見潁川

建武十七年鳳凰出高八尺九寸毛羽五采集潁川羣鳥從之蓋地數頃留十七日乃去

案范志鳳見潁川之郊縣有五鳳



後漢書前卷之八  
章帝時鳳凰百三十九見

案鳳靈鳥也而數見若此其附會可知矣

安帝延光三年鳳凰集濟南臺丞霍穆舍樹上賜帛各有差

單于朝

單于來朝賜橙橘龍眼荔枝

芝英

光和四年郡國上芝英

木連理

安帝延和三年衛縣木連理又其年定陵縣木連理

請封禪

建武三十年太尉趙熹上言曰自古帝王每世之隆未嘗不封禪陛下聖德洋溢順天行誅撥亂中興作民父母修復宗廟救萬性命黎庶賴福海內清平功成治定羣司禮官咸以為宜登封告成爲民報德百王所同當仁不讓宜登封岱宗正三雍之禮以明靈契望秩羣神以承天心

案范志但云羣臣上言不載熹疏世祖答詔以為百姓怨氣滿腹誰欺欺天可謂聖矣後竟用梁松等奏封禪則讀識之誤也

建武三十二年羣臣奏言登封告成爲民報德百王



後漢書補遺 卷之八  
所同陛下輒拒絕不許臣下不敢頌功述德業河雒  
讖書赤漢九世當巡封太山凡三十六事傳奏左帷  
陛下遂以仲日令辰遵岱嶽之正禮奉圖雒之明文  
以和靈瑞以爲兆民上曰至泰山乃復議國家德薄  
災異仍至圖讖蓋如此

案時獻河圖會昌符云赤劉之九會命岱宗不愼  
克用何益于承誠善用之姦僞不萌上齋夜讀此  
乃詔梁松等復案索河  
雒讖文言九世封禪事

上至泰山有司復奏河雒圖記表章赤漢九世尤著  
明者前後凡三十六事與博士克等議以爲殷統未  
絕黎庶繼命高宗久勞猶爲中興武王因父受命之

列據三代郊天因孔子甚美其功後世謂之聖王漢  
統中絕王莽盜位一民莫非其臣尺土靡不其有宗  
廟不祀十有八年陛下無十室之資奮振于匹夫除  
殘去賊興復祖宗集就天下海內治平夸狄慕義功  
德盛于高宗宣王宜封禪爲百姓祈福請親定刻石  
紀號文太常奏儀制詔曰在昔小白欲封夸吾難之  
季氏欲旅仲尼非焉蓋齊諸侯季氏大夫皆無事于  
太山今予末小子巡祭封禪德薄而任重一則以喜  
一則以懼喜于得承鴻業帝堯善及子孫之餘賞蓋  
應圖籙當得是口懼于過差執德不弘信道不篤爲



議者所誘進後世知吾罪深矣

案范書不載世祖雖從梁松等議封禪而其謙冲之德見于詔書非秦皇漢武比也

猛虎

呂母賓客徐次子等自號猛虎

案猛於責反范書作猛虎見盆子傳

三老兵

瑯邪人樊崇字細君起兵于莒同郡東莞人逢安字

少子東海臨沂人徐宣字驕穉謝祿字子奇及楊音

各起兵合數萬人

案樊崇輩即赤眉之魁也號為三老後奉盆子降世祖數其三善賜楊爵關內侯其仁深矣范見盆

子傳

大雀

永元二年安息王獻條支大雀此雀卵大如甕又永

和九年永昌獻象牙熊子

案范書永元十三年安息國遣使獻師子及條支大爵疑即一事紀年訛耳郭義恭廣志云大爵頸及身膺蹄都似橐駝舉頭高八九尺張翅丈餘即今之駝鳥也

蕭何霍光墓

蕭何墓在長陵東司馬門道百步霍光墓在茂陵東

司馬門道南四里

案明帝二年十一月遣使者以中牢祠蕭霍墓故及之

鳳凰見肥城

鳳凰見肥城句窳亭槐樹上

案章帝二年九月詔鳳凰黃龍所見亭部無出二年租賦即此

置郡

建安二十年復置漢寧郡分漢中之安陽西城又分

錫上庸為上庸郡置都尉

分郡

安帝即位之年分高顯侯城遼陽屬公菟

案三縣故屬遼東也

武庫火

元初中武庫火燒兵物百一十五種直十萬以上

案范書是時攻羌十餘年未已天下厭苦之故有此應

大水

和帝十年京師大雨南山水流出至東郊壞人廬舍

案范紀五月京師大水即此

中護軍

大將軍出征置中護軍一人

麟見

章帝時麟五十一見又安帝三年潁川上言麟見

白鹿



後漢書補遺 卷之八  
元和二年白鹿白兔九尾狐見又安帝延光三年潁川上言白鹿見又永康元年西河言白兔見

### 大鴻臚

大鴻臚漢舊官建武元年復置屬官大行丞一人大行丞有治禮員三十七人主齋祠饋贊九賓之禮又有中都官升食以下功次相補

鴻臚三十六人其陳寵左雄朱寵龔參施延並遷公

案此似有脫誤

### 驃騎將軍

其將軍不常置比公者又有驃騎將軍建武二十年

復置驃騎將軍位次公有長史一人

案范書官志將軍比公者四第一大將軍次驃騎將軍次車騎將軍次衛將軍掌征伐背叛

### 血汗馬

聞武帝歌天馬浴赤汗今親見其然血從前膊上小

### 孔中出

案此乃明帝賜東平王書中語時以宛馬一匹遺王也前書天馬歌太一况天馬下露赤汗沫流赭

### 九真

九真俗燒草種田

案此即火耕也今人耕山多行之

### 祠孔子

章帝幸魯祠東海恭王及孔子七十二弟子禮畢命儒者論難

案范書又有賜褒成侯及諸孔男女帛事無論難語

增修羣祀詔

章帝元和二年詔曰經稱秩元祀咸秩無文祭法功施于民則祀之以死勤事則祀之以勞定國則祀之能禦大災則祀之以日月星辰民所瞻仰也山林川谷丘陵民所取財用也非此族也不在祀典傳曰聖王先成民而後致力于神又曰山川之神則水旱厲疫之災於是乎祭之日月星辰之神則雪霜風雨之

不時於是乎祭之孝文十二年令曰比年五穀不登欲有以增諸神之祀王制曰山川神祇有不舉者為不敬今恐山川百神應典祀者尚未盡秩其議增修羣祀宜享祀者以祈豐年以致嘉福以蕃兆民詩不云乎懷柔百神及河喬嶽有年報功不私幸望豈嫌同辭其義一焉

案范書見祭祀志只節畧二語耳連引經傳綴序成章亦文之一體也當奉此為鼻祖

議世祖廟舞

永平三年八月丁卯公卿奏議世祖廟登歌八佾舞功名東平王蒼議以為漢制舊典宗廟各奏其樂不



後漢書禮志 卷之八  
皆相襲以明功德秦爲無道殘賊百姓高皇帝受命  
誅暴元元各得其所萬國咸熙作武德之舞孝文皇  
帝躬行節儉除誹謗去肉刑澤施四海孝景皇帝制  
昭德之舞孝武皇帝功德茂盛威震海外開地置郡  
傳之無窮孝宣皇帝制盛德之舞光武皇帝受命中  
興撥亂反正武揚方外震服百蠻戎狄奉貢宇內治  
平登封告成修建三雍肅穆典祀功德巍巍比隆前  
代以兵平亂武功盛大歌所以詠德舞所以象功世  
祖廟樂名宜曰大武之舞元命包曰緣天地之所雜  
樂爲之文典文王之時民樂其興師征伐而詩人稱

其武功樞機鈐曰有帝漢出德洽作樂各與虞韶夏  
禹湯濩周武無異不宜以名舞治圖徵曰大樂必易  
詩傳曰頌言成也一章成篇宜列德故登歌清廟一  
章漢書曰百官頌所登御者一章十四句依書文始  
五行武德昭真修之舞節損益前後宜之六十四節  
爲武曲副八佾之數十月蒸祭始節用其文如五行  
之舞如故勿進武德舞歌詩曰於穆世廟肅雍顯清  
俊又翼翼秉文之成越序上帝駿奔來寧建立三雍  
封禪泰山章明圖讖放唐之文休矣惟德罔射協同  
本支百世永保厥功詔書曰驃騎將軍議可進武德



之舞如故

案世祖撥亂中興舞以象功一代鉅典東平此議詳核莊雅可比班固典引范畧而不載何也

議上顯宗號

章帝初卽位賜東平憲王蒼書曰朕夙夜伏思念先帝躬履九德對於八政勞謙克已終始之度比放三宗誠有其美今迫遺詔誠不起寢廟臣子悲結僉以爲難於更衣猶宜有所宗之號以克配功德宗廟至重朕幼無知寤寐憂懼先帝每有著述典義之事未嘗不延問于以定厥中願王悉明處乃敢安之公卿議駁今皆并送及有可以持危扶顛宜勿隱思有所

承公無困哉太尉熹等奏禮祖有功宗有德孝明皇帝功德茂盛宜上尊號曰顯宗四時祫食于世祖廟如孝文皇帝在高廟之禮奏武德文始五行之舞蒼上言昔者孝文廟樂曰昭德之舞孝武廟樂曰盛德之舞今皆祫食於高廟昭德盛德之舞不進與高廟同樂今孝明皇帝主在世祖廟當同樂盛德之樂無所施如自立廟當作舞樂者不當與世祖廟盛德之舞同名卽不改作舞樂當進武德之舞臣愚戇鄙陋廟堂之論誠非所當聞所宜言陛下體純德之妙奮至謙之意猥歸美於載列之臣故不敢隱蔽愚情披



露腹心誠知愚鄙之言不可以向仰四門賓于之議  
 伏惟陛下以至德當成康之隆天下又安刑措之時  
 也百姓盛歌元首之德股肱貞良庶事寧康臣欽仰  
 聖化嘉羨盛德危顛之備非所宜稱上復報曰有司  
 奏上尊號曰顯宗藏主更衣不敢違昭祫食世祖廟  
 樂皆如王議以正月十八日始祠仰見懷楨俯視几  
 筵眇眇小子哀懼戰慄無所奉承愛而勞之所望于

王也

案明帝遺詔無起寢廟藏主于世祖廟更衣孝章  
 以更衣有小別上尊號曰顯宗廟間祠于更衣四  
 時合祭于世祖廟故所議若此夫孝明恭儉仁智  
 廟號顯宗允為至當章帝此舉情文兼得至其賜

東平書婉而且勁乃是絕  
 妙尺牘非同尋常詔令也

爵秩差等

建武元年復設諸侯王金璽緌綬公侯金印紫綬九  
 卿執金吾河南尹秩皆中二千石大長秋將作大匠  
 度遼諸將軍郡太守國傅相皆秩二千石校尉中郎  
 將諸郡都尉諸國行相中尉內史中護軍司直秩皆  
 二千石以上皆銀印青綬中外官尚書令御史中丞  
 治書侍御史公將軍長史中二千石丞正平諸司馬  
 中官王家僕雒陽令秩皆千石尚書中謁者黃門冗  
 從四僕射諸都監中外諸都官令都侯司農部丞郡



後漢書補遺 卷之八  
國長史丞候司馬千人秩皆六百石家令侍僕秩皆六百石雒陽市長秩四百石王家長秩皆四百石以上皆銅印黑綬諸署長揖擢丞秩三百石諸秩千石者其丞尉皆秩四百石秩六百石者丞尉秩三百石四百石者其丞尉秩二百石縣國丞尉亦如之縣國三百石長丞尉亦二百石明堂靈臺丞諸陵校長秩二百石丞尉校長以上皆銅印黃綬縣國守宮令相或千石或六百石長相或四百石或三百石長相皆以銅印黃綬而有秩者寺中中常侍光祿大夫秩皆二千石大中大夫秩皆比二千石尚書諫議大夫侍

御史博士皆六百石議郎中謁者秩皆比六百石小黃門黃門侍郎中黃門秩皆比四百石郎中秩皆比三百不太子舍人秩二百石

案此散見范百官志其璽綬則輿服志載之詳矣

### 遠夸樂德歌

提官傀構大漢是治魏冒踰糟與天意合罔驛劉脾吏譯平端旁莫

支留不從我來徵衣隨旅聞風向化知唐桑艾所見奇異邪毗堪繡

多賜繪布推潭僕遠甘美酒食拓拒蘇便倡樂肉飛局後仍離屈申悉備

僕讓龍洞蠻有貧薄莫支度由無所報嗣楊雒僧麟願主長壽莫穉

角存子孫昌熾



遠夸慕德歌

儂讓彼尼蠻夸且交陵悟日入繩動隨旅慕義路且

傳維歸日聖德渡諾聖德魏茵度洗與人綜邪流藩

冬多霜雪夏多萃邪尋螺和雨藐溥瀘離寒温茵補雅推部人

辟危歸險涉危莫受萬柳不遠術叠附德去俗仍路

孽摸心歸

遠夸懷德歌

荒服之儀荒服犁藉搯憐土地阻蕪邪犂食肉莫碭

龕沐不見罔譯傳微吏譯是漢夜拒大漢蹤優路仁

攜負雷折險龍觸冒倫狼藏幢高山狹路側祿緣崖

息落伏淫木薄理瀝髭維百宿捕蒞茵毗父子懷橐

匹漏懷抱傳言呼救傳告陵陽臣僕長願

案益州刺史朱輔好立功名遠夸臣服白狼王唐  
敢等慕化歸義作詩三章因重譯訓詰為華言上  
之范于萃都夸傳中但載所譯之詞惟東觀  
記有夸人本語今錄如前并以華言釋之

議郊祀冕服

永平二年正月公卿議舉南北郊東平王蒼議曰孔

子曰行夏之時乘殷之輅服周之冕為漢制法高皇

帝始受命創業制長冠以入宗廟光武受命中興建

明堂立辟雍陛下以聖明奉遵以禮服龍袞祭五帝

禮缺樂崩久無祭天地冕服之制按尊事神祇潔齋



盛服敬之至也日月星辰山龍華藻天王衮冕十有二旒以則天數旂有龍章日月以備其文今祭明堂宗廟圓以法天方以則地服以華文象其物宜以降神明肅雖備思傳其類也天地之祀冕冠裳衣宜如明堂之制

案范志秦滅去禮樂郊祀之服皆以衾六漢承秦故未能改易至顯宗初服冕旒衣裳文章赤舄屨屨以祀天地皇乎盛哉禮樂于是乎明備矣東平首引孔子之言可省千古說禮浮議范闕

男世守校字

世容



